

«ՎԱՆԱԶՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆ»

ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅՈՒՆ

Հավելված

«Վանաձորի Հ.Թումանյանի անվան

պետական համալսարան» ՊՈԱԿ-ի

ռեկտորի 29.04.2016 թ. թիվ 264 Լ/Կ հրամանի

ԿԱՐԳ

ՎԱՆԱԶՈՐԻ Հ. ԹՈՒՄԱՆՅԱՆԻ ԱՆՎԱՆ ՊԵՏԱԿԱՆ ՀԱՄԱԼՍԱՐԱՆԻ
ՄԱԳԻՍՏՐԱՏՈՒՐԱՅԻ 2016-2017 ՈՒՍՈՒՄՆԱԿԱՆ ՏԱՐՎԱ ԸՆԴՈՒՆԵԼՈՒԹՅԱՆ

Ընդունված է ՎՊՀ-ի գիտխորհրդի կողմից

Արձանագրություն թիվ 4 28.04.2016թ.

Վանաձոր

2016թ.

I. ԸՆԴՀԱՆՈՒՐ ԴՐՈՒՑԹՆԵՐ

1. Սույնով սահմանվում է «Վանաձորի Հ. Թումանյանի անվան պետական համալսարան» պետական ոչ առևտրային կազմակերպության (այսուհետ՝ Համալսարան) մագիստրատուրայի առկա ուսուցման համակարգում 2016-2017 ուսումնական տարվա ընդունելության կարգը (այսուհետ՝ Կարգ):
2. Կարգի իրավական հիմքերն են ՀՀ Սահմանադրությունը, «Բարձրագույն և հետրուհական մասնագիտական կրթության մասին» ՀՀ օրենքը, Համալսարանի կանոնադրությունը, ՀՀ ԿԳ նախարարի 2007 թ. դեկտեմբերի 6-ի թիվ 1193-Ն հրամանով հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգը»:
3. Մագիստրատուրայում կարող է սովորել բակալավրի, դիպլոմավորված մասնագետի, մագիստրոսի որակավորում ունեցող անձը մասնագիտական գիտելիքները խորացնելու, վերամասնագիտանալու, ինքնուրույն գիտական ուսումնասիրություններ կատարելու, մասնագիտական գործնական, նորարարական, տեխնոլոգիական զարգացումների ու նոր հնարավորությունների ընկալման ունակություններ ձեռք բերելու և մագիստրոսի որակավորման աստիճան ստանալու համար:

II. ՄԱԳԻՍՏՐԱՏՈՒՐԱՅԻ ՄԱՍՆԱԳԻՏՈՒԹՅՈՒՆՆԵՐԸ ԵՎ ՏԵՂԵՐԸ

4. Մագիստրատուրայի 2016-2017 ուսումնական տարվա ընդունելությունը կատարվում է հետևյալ մասնագիտությունների գծով.

Մասնագիտություն ծածկագիրը	Մասնագիտությունը, Կրթական ծրագիրը	Պետության կողմից ուսանողական նպաստների ձևով ուսման վարձի լրիվ փոխհատուցմամբ (անվճար)			Բուհի կողմից ուսման վարձի մասնակի գեղջի կիրառմամբ, առանց պարտադիր զինվորական ծառայությունից տարկետման իրավունքի /վճարովի/	Ուսման վարձը /հազ. դրամ/	
		ընդամենը	առանց տարկետման իրավունքի				
			ընդամենը	այդ թվում՝ ԲԶ			
1	2	3	4	5	6	7	8
011401.00.7	Մասնագիտական մանկավարժություն /ֆիզիկա/	1	1			14	350
022201.00.7	Պատմություն	1	1			19	350
023101.00.7	Հայոց լեզու և գրականություն	2	2			18	350
023102.00.7	Օտար լեզու և գրականություն /Ռուսաց լեզու և գրականություն/	2	2			13	350
023102.00.7	Օտար լեզու և գրականություն / Անգլերեն լեզու և գրականություն /	0	0			20	350
031301.00.7	Հոգեբանություն	1	1			24	350

041301.00.7	Կառավարում/Հանրային կառավարում/	3	1		2	17	500
051101.00.7	Կենսաբանություն	2	2	1		13	350
053101.00.7	Քիմիա	1	1			14	350
056201.00.7	Մաթեմատիկա	1	1			14	350
061101.00.7	Ինֆորմատիկա (համակարգչային գիտություն)	2	1		1	18	350
011101.00.7	Կրթական գիտություններ /Կրթության կառավարում/	3	2		1	12	400
Ընդամենը		19	15	1	4	196	

III. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՒԹՅՈՒՆԸ, ՄՐՑՈՒՅԹԻ ԱՆՑԿԱՑՈՒՄԸ

5. Համալսարանի մագիստրատուրա մրցութային կարգով կարող են ընդունվել բակալավրի, դիպլոմավորված մասնագետի, մագիստրոսի որակավորում ունեցող ՀՀ քաղաքացիները: Մագիստրոսի որակավորում ունեցող քաղաքացիները երկրորդ մագիստրոսական կրթություն կարող են ստանալ միայն վճարովի հիմունքներով:

Օտարերկրյա քաղաքացիները և ՀՀ քաղաքացիություն չունեցող անձինք մագիստրատուրա կարող են ընդունվել միջպետական կամ միջգերատեսչական պայմանագրերի, համաձայնագրերի հիման վրա կամ սեփական նախաձեռնությամբ:

6. Համալսարանի մագիստրատուրայի ընդունելությունն իրականացվում է երկու փուլով, մրցութային կարգով.

ա)1-ին փուլով մագիստրատուրայի ընդունելությունն ըստ մասնագիտությունների անցկացվում է՝ ըստ ՀՀ կառավարության կողմից հաստատված պետության կողմից ուսանողական նպաստների ձևով ուսման վարձի լրիվ փոխհատուցմամբ (անվճար), պարտադիր զինվորական ծառայությունից տարկետման իրավունքով ուսուցման տեղերի:

բ)2-րդ փուլով մագիստրատուրայի ընդունելությունն անցկացվում է՝ ըստ կրթության պետական կառավարման լիազորված մարմնի կողմից հաստատված ուսման վարձի մասնակի գեղչի կիրառման (վճարովի), առանց պարտադիր զինվորական ծառայությունից տարկետման իրավունքի ուսուցման տեղերի:

7. Առաջին փուլով ուսուցման անվճար համակարգում մագիստրատուրայի ընդունելությունն անցկացվում է ըստ ՀՀ կառավարության կողմից հաստատված պետության կողմից ուսանողական նպաստների ձևով ուսման վարձի լրիվ փոխհատուցմամբ (անվճար), պարտադիր զինվորական ծառայությունից տարկետման իրավունքով և առանց պարտադիր զինվորական ծառայությունից տարկետման իրավունքի ուսուցման տեղերի համար:

8. Առաջին փուլով ընդունելության համար կարող են դիմել տվյալ մասնագիտությամբ ընթացիկ ուսումնական տարվա այն շրջանավարտները, որոնք ավարտական աշխատանքից և պետական քննություններից ստացել են «լավ» կամ «գերազանց» գնահատականներ, և որոնց դիպլոմի հավելվածում նշված բոլոր առարկաների քննական գնահատականների միջինը կամ միջին որակական գնահատականը կազմում է.

▪ «4.00» կամ ավելի միավոր (5-բալանոց համակարգով), «12» կամ ավելի միավոր (20-բալանոց համակարգով), «71» կամ ավելի միավոր (100-բալանոց համակարգով)՝

«Հայոց լեզու և գրականություն», «Ռուսաց լեզու և գրականություն», « Անգլերեն լեզու և գրականություն», «Պատմություն», «Հանրային կառավարում», «Կրթության կառավարում», «Հոգեբանություն» մասնագիտությունների համար,

▪ 3.75 կամ ավելի միավոր (5-բալանոց համակարգով), «11» կամ ավելի միավոր (20-բալանոց համակարգով), «67» կամ ավելի միավոր (100-բալանոց համակարգով)՝ «Ինֆորմատիկա (համակարգչային գիտություն)», «Կենսաբանություն», «Քիմիա», «Մաթեմատիկա» «Ֆիզիկա» մասնագիտությունների համար,

9. Առաջին փուլով Համալսարանի մագիստրատուրայի ընդունելությունը կատարվում է ներկայացված փաստաթղթերի հիման վրա՝ մրցույթային կարգով, բացառությամբ «Կրթության կառավարում», «Հանրային կառավարում», «Քիմիա», «Ինֆորմատիկա (համակարգչային գիտություն)» և «Հոգեբանություն» մասնագիտությունների:

Նշված մասնագիտություններով ընդունելությունը կատարվում է ներկայացված փաստաթղթերով և մասնագիտական ընդունելության քննությունների արդյունքներով անցկացվող մրցույթի հիման վրա:

«Կրթության կառավարում», «Հանրային կառավարում» մասնագիտությունների դիմորդները հանձնում են ընդունելության քննություն մասնագիտությունից և ստուգարք օտար (անգլերեն) լեզվից:

10. Քննության հարցաշարերը հաստատվում են մասնագիտական ամբիոնների կողմից և մինչև մայիսի 1-ը տրամադրվում են ուսումնամեթոդական վարչությանը :

11. Առաջին փուլում հավասար միավորների դեպքում մագիստրատուրայի ընդունելության մրցույթն անցկացվում է հետևյալ չափանիշների առաջնահերթությամբ.

11.1. նախորդ ուսումնառության ծրագրում ցուցաբերած ընդհանուր առաջադիմության գումարային միջին գնահատականով կամ միջին որակական գնահատականով,

11.2. մասնագիտական առարկաներից ցուցաբերած առաջադիմության գումարային միջին գնահատականով կամ միջին որակական գնահատականով,

11.3. տպագրված կամ տպագրման ընդունված գիտական աշխատությունների, թեզիսների և զեկուցումների առկայությունը,

11.4. ոչ մասնագիտական առարկաներից ցուցաբերած առաջադիմության գումարային միջին գնահատականով կամ միջին որակական գնահատականով:

Հավասար միավորների դեպքում նախապատվությունը տրվում է ուսումնառության ողջ ընթացքում ակադեմիական պարտք չունեցած շրջանավարտներին:

12. Առաջին փուլով մագիստրատուրայի ընդունելության քննությունները կազմակերպվում են հունիսի 5-ից հունիսի 10-ը:

13. «Կրթության կառավարում», «Հանրային կառավարում», «Քիմիա», «Ինֆորմատիկա (համակարգչային գիտություն)» և «Հոգեբանություն» մասնագիտություններով անվճար սովորելու համար մրցույթը չհաղթահարած դիմորդները իրավունք ունեն մասնակցել երկրորդ փուլին /վճարովի համակարգ/ անցկացվող ընդունելության քննություններին: Այս դեպքում սովյալ դիմորդների վերջնական արդյունք է համարվում ստացած ավելի բարձր գնահատականը:

14. Առաջին փուլում առաջացած թափուր տեղերը համալրվում են՝ ըստ սույն Կարգի դրույթների՝ մրցույթի արդյունքներով:

15. Երկրորդ փուլով մագիստրատուրայի ընդունելությանը կարող են մասնակցել.

15.1. Առաջին փուլին մասնակցած, անվճար համակարգ չընդունված դիմորդները, որոնք կարող են պահպանել ընդունելության քննության դրական գնահատականը,

15.2. Համալսարանի և այլ բուհերի՝ տվյալ և նախորդ ուստարիների բակալավրիատի շրջանավարտներ և դիպլոմավորված մասնագետներ,

15.3. պարտադիր ժամկետային զինվորական ծառայությունից գորացրված անձինք (անվճար՝ ՀՀ կառավարության կողմից տրամադրված պարտադիր զինվորական ծառայությունից գորացրված անձանց համար նախատեսված անվճար տեղերի տրամադրման դեպքում կամ վճարովի հիմունքներով):

16. Երկրորդ փուլով ուսուցման վճարովի համակարգ ընդունելությունն անցկացվում է ընթացիկ տարվա օգոստոսի 25-ից մինչև 31-ը:

17. **Երկրորդ փուլով նույն մասնագիտությամբ** ուսուցման վճարովի համակարգ (առանց պարտադիր զինվորական ծառայությունից տարկետման իրավունքի) մագիստրատուրայի ընդունելությունը կատարվում է ներկայացված փաստաթղթերի հիման վրա՝ մրցույթային կարգով: Մրցույթն անցկացվում է հետևյալ չափանիշների առաջնահերթությամբ.

17.1. նախորդ ուսումնառության ծրագրում ցուցաբերած ընդհանուր առաջադիմության գումարային միջին գնահատականով կամ միջին որակական գնահատականով,

17.2. մասնագիտական դասընթացներից ցուցաբերած առաջադիմության գումարային միջին գնահատականով կամ միջին որակական գնահատականով ,

17.3. տպագրված կամ տպագրության ընդունված գիտական աշխատությունների, թեզիսների և գեկուցումների առկայություն,

17.4. ոչ մասնագիտական դասընթացներից ցուցաբերած առաջադիմության գումարային միջին գնահատականով կամ միջին որակական գնահատականով (Հավասար միավորների դեպքում նախապատվությունը տրվում է ուսումնառության ընթացքում ակադեմիական պարտք չունեցած շրջանավարտներին):

18. **Երկրորդ փուլով այլ մասնագիտությամբ** մագիստրատուրայի ընդունելությունն իրականացվում է բակալավրիատի կրթական ծրագրի ծավալի սահմաններում մասնագիտական առարկա/ներ/ից քննության արդյունքների հիման վրա:

19. Երկրորդ փուլով մագիստրատուրայի ընդունելության մրցույթն անցկացվում է՝ ըստ 17-րդ կետի չափանիշների:

20. Այլ մասնագիտություն ունեցող դիմորդների ընդունելությունը կատարվում է նույն մասնագիտությամբ առաջին և երկրորդ փուլերով ընդունելության անցկացումից հետո թափուր մնացած վճարովի տեղերի հաշվին՝ համաձայն սույն Կարգի 17-րդ կետում նշված պայմանների:

IV. ՄԱԳԻՍՏՐԱՏՈՒՐԱՅԻ ԸՆԴՈՒՆԵԼՈՂ ՀԱՆՁՆԱԺՈՂՈՎԸ ԵՎ ՈՒՍԱՆՈՂՆԵՐԻ ՀՐԱՄԱՆԱԳՐՈՒՄԸ

21. Մագիստրատուրայի ընդունելության նպատակով ռեկտորի հրամանով և նախագահությամբ ստեղծվում է ընդունող հանձնաժողով, որում ընդգրկվում են ուսումնական աշխատանքների գծով պրոռեկտորը, ուսումնամեթոդական վարչության պետը, մասնագիտական կրթական ծրագրերի /ՄԿԾ/ կրթական գործընթացը կազմակերպող ղեկանները, ընդունելության պատասխանատու քարտուղարը:

22. Քննությունների անցկացման նպատակով ուսումնագիտական աշխատանքների գծով պրոռեկտորի առաջարկով, ռեկտորի հրամանով ձևավորվում են քննական հանձնաժողովներ:

23. Ընդունող հանձնաժողովը, քննությունների արդյունքների հաշվառմամբ, ըստ մասնագիտությունների՝ իրականացնում է մրցույթ:

24. Հանձնաժողովի անցկացրած մրցույթի արդյունքներով Համալսարանի ռեկտորը հրամանագրում է (կցագրում) ընդունված դիմորդներին:

25. Ընդունված ուսանողը ռեկտորի հրամանով կցագրվում է ՄԿԾ-ին, իսկ հրամանագրումը կատարվում է կցագրումից հետո՝ ուսանողի և Համալսարանի միջև պայմանագրի կնքման և ուսման վարձը վճարելու պայմանով: Պայմանագրի տեքստը հրապարակվում է ընդունելության հայտարարության հետ և նախապես տրամադրվում դիմորդներին:

V. ՀԱՄԱԼՍԱՐԱՆԻ ՄԱԳԻՍՏՐԱՏՈՒՐԱ ԸՆԴՈՒՆԵԼՈՒ ՀԱՄԱՐ ԴԻՄԵԼՈՒ ԺԱՄԿԵՏՆԵՐԸ ԵՎ ՆԵՐԿԱՅԱՅՎՈՂ ՓԱՍՏԱԹՂԹԵՐԸ

26. Համալսարանի կողմից զանգվածային լրատվության միջոցներով տրվում է համապատասխան հայտարարություն՝ ընդունելության մասնագիտությունների, տեղերի և կանոնների վերաբերյալ: Հայտարարությանը կցվում է մագիստրանտի հետ կնքվող պայմանագրի տեքստը:

27. Առաջին փուլով մագիստրատուրայի ընդունելության համար դիմումի և փաստաթղթերի ընդունումը կատարվում է մայիսի 26-ից հունիսի 4-ը ներառյալ, երկրորդ փուլով՝ հունիսի 8-ից օգոստոսի 26-ը ներառյալ:

28. Համալսարանի մագիստրատուրայի դիմորդները ընդունող հանձնաժողով են ներկայացնում հետևյալ փաստաթղթերը.

ա) մագիստրատուրայի ընդունելության դիմում-հայտ՝ Համալսարանի ռեկտորի անունով (լրացվում է տեղում),

բ) բարձրագույն կրթության մասին դիպլոմի և նրա հավելվածի բնագրերն ու պատճենները,

գ) երաշխավորություն ֆակուլտետի գիտաուսումնամեթոդական խորհրդից (նախորդ տարիների շրջանավարտները, պարտադիր ժամկետային զինծառայությունից զորացրվածներն ու այլ բուհի շրջանավարտները չեն ներկայացնում),

դ) նախորդ տարիների շրջանավարտները, պարտադիր ժամկետային զինծառայությունից զորացրվածներն ու այլ բուհի շրջանավարտները ներկայացնում են տեղեկանք միջին որակական գնահատականի վերաբերյալ,

ե) ինքնակենսագրություն (CV),

զ) անձնագրի պատճեն,

է) 3 լուսանկար (3x4 չափի),

ը) հրատարակված կամ հրատարակման ընդունված գիտական աշխատությունների ցուցակ (դրանց առկայության դեպքում):

VI. ՄԱԳԻՍՏՐԱՏՈՒՐԱՅԻ ԴԱՍԵՐԻ ՄԿԻԶԲԸ

29. Մագիստրատուրայի առաջին կուրսի դասերն սկսվում են 2016թ. սեպտեմբերի 8-ից: